

txoritxoari mokoka

70ak bueltan datoz

Ostegunean itzuli zen *Cuéntame cómo pasó* telesail arrakatsua TVE1eko programaziora, eta errealizazio eta aktore lan egokiez gain gidoi atseginak erabiltzen jarraitzekotan daudela iruditu zitzaigun atal berri hori ikustean. Eta itzuleraren iragarle, TVEn sarri-sarri esan digute egunero zein den telesailaren mezua: «70ak bueltan datoz». A zer poza, aizue! Nodo irudi zuri-beltzekoak eta guzti! Dena birzikla daiteke, badakizue. Eta historia hurbila berrikusteko fikzioaz baliatzearena, ez da batere berria. Eta telebista kateek



Cuentamé como pasó telesailako irudi bat.

euren buruak goratzeko eta audientzia kateatzeko endogamia erabiltzera ohituak gauzkatenez, ez ginen harritu «Cuéntame cómo pasó»-n rol nagusiak betetzen dituzten aktoreak joan den astean *El tercer grado* saioan ikusi genituenean. Imanol Arias eta Ana Duato Carlos Davilarekin telesailaren atal berrietan gertatuko direnez eta duela hiru hamarkadako bizimoduaz berrikeretan. Emaizari buruzko azalpen askoren beharrik ez dago. Iraganari botatako begirada lasaia zen telesaila aktoreentzat. Nostalgia besterik ez zerion Davilaren begirasunari. Gaude hori dela telesail horren arrakastaren giltza handi bat: begirada. Bistan da, bai, iragarkiak bere egia dioela. 70ak bueltan datoz.

Amagoia Iban

LABURAEAN

Kolaboratzaile berrien iritziak Radio Euskadiko 'Boulevard Abierto' irratsaiorako

Pedro Garcia Larraganek aurkezten duen *Boulevard Abierto-Dialogos en Radio Euskadi* iritzi tartean kolaboratzaile berriak izango dituzte denboraldi honetan: EHUko soziologia irakasle Ander Gurrutxaga, filosofia eta etika irakasle Maria Jose Urruzola, Luisa Etxenike kazetaria, biologia irakasle Iñaki Perez Iglesias, eta Jose Maria Castells, Josetxu Beriain, Josu Amezaga eta Josu Madariaga irakasleak. Goizero lau tertuliakidek hartuko dute parte.

Telesail berriak TVE1 eta France3 kateetan

Alain Schwarzteinek zuzendutako *Action justice* telesaila estreinatuko dute gaur France3 katean (20:55ean). Akats judizialak ikertzen dituzten hiru pertsonaien gorabeherak kontatzen dira bertan. TVE1en, bestetik, Jose Pavonek zuzendutako *Geminis* telesaila eskainiko dute astelehenetik aurrera. 195 atal grabatzeko asmoa dute TVEn, eta aktore protagonistak Ana Turpin eta Manuel San Martin dira.

'The Shield: al margen de la ley' telesaila igandero ETB2n bihurtik

Polizien beste telesail bat estreinatuko dute bihar ETB2 katean (21:45ean): *The Shield: al margen de la ley*. Saio horretako Michael Chiklis aktoreak Emmy sari bat jaso du aste honetan, Vic Mackey polizia gogoraren rola betetzeagatik. Gainontzeko aktoreak Benito Fernandez, Catherine Dent, Walton Goggins, Michael Jace, Kenneth Johnson eta Jay Karnes dira. Igandero bi atal eskainiko dituzte.

ETB1. Gaur hasiko da 'Sautrela'-ren seigarren denboraldia (14:45ean)



Hasier Etxeberria kazetari eta idazleak jarraituko du 'Sautrela' literatur saioa aurkezten.

Literaturaren itzulera

Manuel Rivas eta Mohamed Chukri idazleak elkarriketatuko dituzte datozen asteetan

Urtzi Urkizu | DONOSTIA

Literaturak ez du etenik Euskal Herrian. Urte osoan zehar argitaratzen baitira liburuak, gero eta emanaldi gehiago antolatzen dira herrietan, eta idazle eta irakurleen jarioa hilabete guztietan ematen baita. ETBra, beriz, hilabete batzuetan soilik iristen da literatura.

Ekainaren 29an emititu zuten ETB1en *Sautrela* saioko azken atala. Eta hiru hilabete hutsu-nearen ondoren itzuliko da gaur Hasier Etxeberriak aurkeztutako programa. Orio Pro dukzioak ekoiztetxeak Eroski-

ren babesarekin eginiko programaren seigarren denboraldia izango da, egun eta ordu berean mantenduko delarik (larunbatetan, 14:45ean).

Bosgarren denboraldian bezala, Bernardo Atxaga idazlea aholkulari lanetan ariko da eta astero irakurketa hautatuak helaraziko dizkie ikus-entzuleei. Programaren egitura mantenduz erreportaje monografikoak, elkarriketak eta kritikak izanen dira *Sautrela*-n.

Datozen asteetan Euskal Herri- kanpoko idazle ezagunak elkarriketatzea izango da literatur saiokoen erronketako bat.

Ziurtatuak dituzten elkarriketen artean Mohamed Chukri idazle magrebtarra eta Manuel Rivas galiziarrena daude.

Victor Hugo eta Andoni Egaña gaurko programan

Denboraldi berriko lehenengo atalean Victor Hugo idazle frantziarrak Euskal Herrian egin zuen egonaldiaz mintzatuko dira. Koldo Izagirrek eta Aurelia Arkotxak Hugoren literaturaz hitz egingo dute. Elkarriketaren tartean, bestalde, Andoni Egaña gonbidatuko du Hasier Etxeberriak. Eta kritikaren atalean Amagoia Ibanek Bitoriano Gandiagaren *Bizitza itxaropen delako* liburua aipatuko du. Datozen asteetan Mari Jose Olaziregi eta Gerardo Markuletaren kritikak iritsiko dira.

ETB1



'Basetxea' saioan ariko diren lehiakideak.

Datorren asteazkenean hasiko da 'Basetxea' zortzi lehiakiderekin

Urtzi Urkizu | DONOSTIA

Dagoeneko eman dituzte *Basetxea* lehiaketan parte hartuko duten zortzi partaideen izenak. Lehiakideak honakoak dira: Martin Uranga zarauztarra, Berta Toro irundarra, Iñigo Aizpurua Itziarkoa, Jokin Leniz lekeitiarra, Ezti-zen Eizmendi, Ager Yurrebaso Galdakaokoa, Ane Bastida debarra eta Virginia Olalla donostiarra. 18 eta 36 urte bitartekoak dira zortziak. Hiru hilabete iraungo duen saioan irabazle ateratzen denak lehiakideek diseinatutako munduari bira irabaziko du (18.000 euroko bidaia).

Urriaren 2an estreinatuko dute *Basetxea*-ren bigarren aldia, baina aurrekoarekin alderatuta zenbait aldaketa egongo dira. Lehiakideek sasoiz egoteaz gain, gogoz eta psikologikoki indartsu egon beharko dute. Euskal gizarteko zati bat ordezkatuko duen gizon eta emakume taldea bilatu nahi izan dute Globomedia ekoiztetxeko arduradunek. Aurkezlea Julian Iantzi izango da.